



---

**REPUBLIKA E SHQIPERISE  
KOLEGJI UNIVERSITAR “REALD”**

**RREGULLORE  
E SENATIT AKADEMIK**

(Miratuar me Vendimin nr. 19, datë 01.08.2017, të Senatit Akademik)

Vlorë, 2017



## **KREU I PARIMET E PËRGJITHSHME**

### **Neni 1 Objekti i rregullores**

Kjo rregullore përcakton rregulla për organizimin, zhvillimin, vendimmarrjen dhe shpalljen e vendimeve të Senatit Akademik, në Kolegjin Universitar “Reald”.

### **Neni2 Baza ligjore**

Kjo rregullore mbështetet në Ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe në Statutin e Kolegjit.

### **Neni 3 Misioni i senatit akademik**

Senati akademik është organi drejtues akademik më i lartë i cili ushtron të gjitha kompetencat që lidhen me programimin dhe koordinimin e aktiviteteve mësimore dhe të kërkimit shkencor.

Senati akademik formulon politikat e zhvillimit të institucionit, bashkërendon, drejton dhe kontrollon veprimtaritë e mësimit e të kërkimit shkencor dhe vlerëson efikasitetin e tyre.

### **Neni 4 Përpërja e Senatit Akademik**

1. Anëtarët e Senatit Akademik zgjidhen drejtpërdrejtë nga asamblatë e personelit akademik me kohë të plotë të njëjësive kryesore, në përputhje me ligjin dhe sipas procedurave të përcaktuara në Rregulloren e Zgjedhjeve të Kolegjit Universitar “Reald”.
2. Senati Akademik i Kolegjit përbehet nga 7 (shtatë) anëtarë.
3. Anëtarët e Senatit Akademik, për efekt të zgjedhjes janë të ndarë si më poshtë:
  - a. Rektori i Kolegjit Universitar “REALD”.
  - b. 3 (tre) përfaqësues të Fakultetit të Shkencave Mjekësore.
  - c. 2 (dy) Përfaqësues të Fakultetit të Shkencave Humane.
  - d. 1 (një) përfaqësues të studentëve.
4. Anëtarët e Senatit i përkasin kategorisë “Profesor” ose gradën shkencore “Doktor” (“PHD”), të fituar pranë universiteteve të vendeve anëtare të OECD-së



ose BE-së. Në mungesë të autoriteteve drejtuese me këtë titull dhe për efekt të përfaqësimit, kategoria e tyre mund të zbresë në gradën "Doktor" dhe "MSc", me përjashtim të përfaqësuesve të studentëve.

## **Neni 5 Mandati i Senatit Akademik**

1. Mandati i anëtarit të Senatit Akademik fillon nga momenti i zgjedhjes dhe zgjat deri në përfundim të mandatit të Senatit Akademik.
2. Mandati i anëtarit të senatit akademik konsiderohet i përfunduar në mënyrë të parakohshme në rastet kur anëtari:
  - a) Jep dorëheqjen si anëtar i senatit akademik;
  - b) Përfundon marrëdhënien e punës me Kolegjin Universitar "Reald", apo përfundon/ndërpret studimet në Kolegjin Universitar "Reald";
  - c) Ndërron jetë;
  - d) Nuk merr pjesë në më shumë se gjysmën e mbledhjeve të zhvilluara gjatë një viti akademik;
  - e) Dënohet për një vepër penale, me vendim gjyqësor të formës së prerë;
3. Senati Akademik konstaton vakancën e krijuar me anë të një vendimi deklarativ.
4. Vendi vakant i krijuar nga përfundimi në mënyrë të parakohshme i mandatit të një anëtari të Senatit Akademik, plotësohet me një person tjetër sipas renditjes në listën përkatëse të kandidatëve gjatë votimit për Senatin Akademik.
5. Kur nuk ka të tillë, Rektori thërret zgjedhjet për anëtar të zgjedhur të Senatit Akademik.

## **KREU II VEPRIMTARIA E SENATIT AKADEMIK**

### **Neni 6 Funksionet kryesore të Senatit Akademik**

Funksionet kryesore të Senatit Akademik janë:

1. Garanton respektimin e parimeve të autonomisë dhe të mundësive të barabarta të lirisë akademike e të kërkimit, si dhe të drejtat e studentëve;
2. Miraton drejtimit e zhvillimit akademik të universitetit që propozohen nga të gjithë shkallët e hierarkisë akademike;
3. Miraton planin disavjeçar të zhvillimit të institucionit dhe programin vjetor të veprimtarive të tij;



4. Miraton projektstatutin dhe projektrregulloren e universitetit me 2/3 e votave të anëtarëve të tij;
5. Harton dhe miraton programet e studimit, të kërkimit, të zhvillimit dhe hapjen, ndryshimin ose mbylljen e njësive mësimore ose kërkimore;
6. Miraton krijimin e qendrave apo kurseve të posaçme, si dhe projekte të tjera shërbimi që ofrohen nga fakultetet, bazuar në propozimin e këshillit të fakultetit përkatës;
7. Vlerëson, garanton dhe mban përgjegjësi për sigurimin e brendshëm të cilësisë së KUR në përputhje me standartet shtetërore;
8. vlerëson veprimtarinë mësimore-kërkimore të personelit akademik;
9. Harton dhe propozon listën e kriterëve për emërimin e të gjitha niveleve të personelit akademik;
10. Ratifikon marrëveshjet e nënshkruara nga Rektori në emër të KUR për anëtarësimin në organizata kombëtare e ndërkombëtare të arsimit të lartë, për bashkëpunim me institucione të arsimit të lartë, publike dhe private, vendase dhe të huaja si dhe për marrëveshje bashkëpunimi me organizma joqeveritare;
11. Për probleme që i konsideron të rëndësishme mund të krijojë komisione të përhershme ose të përkohshme, me anëtarë të Senatit akademik dhe të ftuar;
12. Kur e çmon të nevojshme, përcakton kritere të veçanta në përzgjedhjen e kandidatëve për t'u pranuar student në ciklin e parë, të dytë dhe të tretë të studimeve sipas propozimeve të këshillave të fakulteteve;
13. Shfuqizon aktet e këshillave të fakulteteve, kur bien ndesh me Statutin dhe rregulloret përkatëse;
14. I propozon ministrit përgjegjës për arsimin, hapjen apo mbylljen e programeve të studimit;
15. Me ankim, me kërkesë apo kryesisht, shqyrton ligjshmërinë e vendimeve të këshillit të fakultetit. Kur konstaton se ato vijnë ndesh me ligjin për arsimin e lartë dhe aktet e tjera të dala në zbatim të tij, ia kthen për shqyrtim edhe njëherë këshillit të fakultetit me sugjerimet përkatëse. Nëse këshilli i fakultetit përsëri merr vendim në kundërshtim me aktet normative në fuqi, Senati Akademik vendos ndryshimin ose shfuqizimin e tij;
16. Zgjidh mosmarrëveshjet mes dekanit dhe këshillit të fakultetit përkatës;
17. Miraton rastet e trajtimit të posaçëm të pedagogëve, studiuesve dhe studentëve me aftësi e rezultate veçanërisht të larta e të rëndësishme;
18. Përzgjedh anëtarët e Këshillit të Etikës.

## Neni 7



## **Mbledhja e parë e senatit akademik**

1. Në mbledhjen e tij të parë, Senati Akademik thirret nga Rektori i Kolegjit Universitar "Reald".
2. Në këtë mbledhje zgjidhet nënkryetari i senatit akademik, nga radhët e anëtarëve. Zgjedhja e nënkryetarit bëhet edhe në rastet e mbarimit të mandatit në mënyrë të parakohshme të anëtarit të zgjedhur nënkryetar, apo kur nënkryetari jep dorëheqjen nga kjo detyrë.
3. Nënkryetari propozohet nga Kryetari i senatit akademik dhe zgjidhet me shumicë të thjeshtë të anëtarëve të senatit akademik.
4. Në mbledhjen e tij të parë senati akademik miraton propozimet e Rektorit për pozicionin e Zëvendësrektorit.
5. Në mbledhjen e tij të parë senati akademik propozon komisionet e përhershme si më poshtë:
  - a. Komisioni i përhershëm për Menaxhimin Akademik;
  - b. Komisioni i përhershëm për Vlerësimin e Cilësisë.
6. Senati Akademik ka të drejtën të ngre dhe komisione të tjera të nevojshme sipas akteve ligjore dhe nënligjore në fuqi.
7. Përbërja, të drejtat, detyrat dhe funksionimi i komisioneve të përhershme, përcaktohen nga senati akademik në rregulloren e komisioneve të përhershme.
8. Senati akademik ngre Këshillin e Etikës, në përputhje me dispozitat e përcaktuara në këtë Statut dhe rregulloren e Këshillit të Etikës.

## **Neni 8**

### **Thirrja e mbledhjes së senatit akademik**

1. Senati akademik si rregull mbledhet të paktën një herë në muaj. Senati Akademik mund të miratojë rregulla shtesë, të cilat mund të përcaktojnë mbledhjen në një datë dhe orë të njëjtë, çdo muaj.
2. Mbledhja e Senatit akademik thirret nga:
  - a. Rektori (Kryetari i Senatit);
  - b. Nga anëtarë të senatit akademik të cilët përbëjnë të paktën  $\frac{1}{4}$  e numrit të përgjithshëm të anëtarëve.
3. Mbledhja thirret nëpërmjet njoftimit me shkrim të rendit të ditës, të paktën 7 ditë përpara datës së përcaktuar për zhvillimin e mbledhjes.
4. Së bashku me njoftimin për rendin e ditës, thirrësit e mbledhjes njoftojnë edhe materialet mbi çështjet që do të shqyrtohen në mbledhje.
5. Njoftimi i rendit të ditës dhe i materialeve bëhen me protokoll, në përputhje me rregulloren e brendshme për qarkullimin dhe administrimin e dokumentacionit.



## **Neni 9**

### **Vlefshmëria e mbledhjes dhe e vendimeve të senatit akademik**

1. Senati akademik mblidhet periodikisht dhe vendos me shumicën e të gjithë anëtarëve të tij.
2. Mbledhjet e senatit akademik drejtohen nga Kryetari. Nënkryetari i senatit akademik drejton mbledhjet e senatit në rast të mungesës së Kryetarit.
3. Mbledhjet e senatit akademik janë të vlefshme kur në to marrin pjesë jo më pak se 2/3 e anëtarëve të senatit akademik. Në rast se në mbledhje janë të pranishëm më pak se 2/3 e anëtarëve, atëherë mbledhja nuk zhvillohet dhe shtyhet për një datë tjetër, por jo më vonë se tetë ditë.
4. Anëtarët e senatit akademik e ushtrojnë vetë funksionin e tyre. Ata nuk mund ta delegojnë votën një anëtari tjetër dhe as të votojnë në emër të një anëtari tjetër të Senatit Akademik.
5. Votimi në senatin akademik si rregull është i hapur. Në rastet kur vendimi për të cilin do të votohet i referohet personave të përveçëm, Senati mund të vendosë me shumicë të thjeshtë për të zhvilluar votim të fshehtë, në rast se kjo kërkohet nga secili prej anëtarëve. Procedurat për zhvillimin e votimit të fshehtë përcaktohen nga senati akademik.
6. Senati merr vendime me shumicë të thjeshtë, me përjashtim të rasteve kur për marrjen e vendimeve kërkohet një shumicë e cilësuar, sipas përcaktimeve në këtë statut.
7. Vendimet e senatit akademik, si rregull hyjnë në fuqi menjëherë. Senati akademik mund të përcaktojë në vendim kohën e hyrjes në fuqi të tij.
8. Në mbledhjen e senatit akademik, mund të thirren Administratorët dhe specialistë të fushave të ndryshme, që kanë dijeni mbi çështjet të cilat janë shtruar për diskutim. Specialistët mund të jenë të brendshëm apo të jashtëm.
9. Senati akademik, me ndihmën e Rektoratit cakton sekretarinë teknike, si një strukturë ad hoc, e cila përbëhet nga të paktën një person për mbajtjen e procesverbalit të mbledhjes.
10. Pjesë e sekretarisë teknike do të konsiderohen edhe persona të tjerë, punonjës të administratës të cilët japin shpjegime gjatë mbledhjes së Senatit, lidhur me materialet e paraqitura dhe çështjet që diskutohen.

## **Neni 10**

### **Zbardhja, nënshkrimi dhe publikimi i vendimeve të senatit akademik**

1. Në ushtrim të kompetencave, Senati akademik shpreh vullnetin e tij me vendime të cilat kanë fuqi të drejtpërdrejtë, si dhe me dhënie mendimi kolegjal.



- 
2. Vendimet e marra nga senati akademik zbardhen brenda ditës së nesërme të mbledhjes në të cilën vendimi është miratuar.
  3. Vendimet e senatit akademik nënshkruhen nga anëtarët që kanë votuar për vendimin.
  4. Anëtari i senatit akademik, shënon në krah të nënshkrimit edhe fjalët “pro” ose “kundër”, në varësi të mënyrës së votimit.
  5. Vendimet e senatit akademik publikohen në përputhje me rregullat e brendshme të përcaktuara për qarkullimin dhe administrimin e dokumentacionit.
  6. Për sa është e mundur, vendimet e senatit akademik publikohen në faqen e internetit të Kolegjit Universitar “Reald”.

**KRYETARI I SENATIT AKADEMIK**

**R E K T O R I**

**Prof. Dr. Petrit KOTORI**